

广东通志

廣東通志

廣東通志卷三百十九

甲子重刊

列傳五十二 列女十四

高州府

茂名縣

明

周書妻某氏書領景泰丙子鄉貢進士登乙榜授

瓊山訓導挈氏赴任行次西江遇寇書潛匿他所

氏以爲死於水遂抱其幼子赴水死 吳寬匏庵集

江水深浪如屋一婦船頭仰天哭哭聲遶江江水

平玉顏一擲鴻毛輕想當汪汪雙眼淚只見良人

不見水抱兒語兒兒勿啼妾身不是河伯妻倉皇

魚腹期同葬不道良人故無恙良人無恙去作官

如后羿願身化爲金僕姑一時射殺荏苒徒

庠生吳瑛妻歐氏年二十四而寡貧窶幾不能自存乃矢志守死訓孤雖幼童不容入戶嘉靖十八年旌子璉後爲漳平主簿

黃志

李執中妻歐氏少知書執中卒歐年二十四家貧有七柩未葬苦節撫孤經營窶窶備極勞瘁教子嚴而有方其後三子皆成立雖貴爲卿尹猶不少假辭色以子邦直貴卒累贈太淑人明世宗遣官

諭祭

府志

盧氏女通判鉞妹也年甫十四遇賊被執聞賊有戲言卽觸石流血絕口不食賊憐而舍之後適生

員張倬年三十三孀居無玷壽踰八十

金志

謹案盧氏府志八化州金郝二志八茂名

茲從省志

郡庠黃啟新妻王氏貢生三華女年二十五而寡
哀毀幾絕旣而自勉曰獨不可留一日之身以竟
吾夫子未竟之業乎於是育四子成人俱爲名士
守令皆旌其門

同上

黃堂文妻湯氏年十九歸黃越三年而堂文歿子
甫一齡撫孤奉姑白首無玷

志

周于義妻吳氏年二十而寡養姑育子勵操自堅

鄉黨稱之

府志

國朝

監生郭曰清妻吳氏年二十五夫亡誓以身殉姻

戚勸諭百端志終不易死時僅後其夫一日云

同上

余麟正妻黃氏順治庚寅李明忠之變黃與其二

幼子爲賊所擄欲污黃不從次第刃其二子以威

之黃罵不絕口遂遇害於周邨坡

郝志

李氏婢主早亡遺一孤子主母他適家貧甚婢爲

主營葬三喪抱遺孤就食於戚屬稍長遣就塾涕

泣教以自立紡織佐食執婢禮甚恭終身猶處子

卒年九十餘

大清一統志

白氏夫有敗行白屢規不悛將以死諫乃密紉其

衣投水死夫哀之卒改行

郝志

梁輝祖妻程氏遇强暴逼姦弗爲所污羞忿自縊
雍正十一年旌同邑林仕富妻梁氏曾清從妻黃
氏亦猝遭奸暴不辱其身梁投河死黃投繯死以

乾隆六七年次第旌

冊 櫛

潘良學妻劉氏良學死於仇劉剪髮誓報卒得其
仇正法焚香告夫引刀自刎以救甦守節二十餘

年卒

一統志 大清

乾隆七年旌

冊 櫛

周士吉妻邱氏夫誤中草藤子毒死仰天號哭自

縊殉之

一統志 大清

梁純素字雲虛諸生友庵女鄒瑞熊妻也讀書識
大義年十九適鄒再期而寡遺腹生一男一女藉

紡績以事孀姑孝養無間撫子女皆成立茹蘖飲

冰五十年如一日枕蓆經史亦猶昔也著有傲霜

吟二卷乾隆五十三年旌

女文苑

貴州長壩營守備江濤妻陳氏嘉慶二年濤死於

征苗之役陳偕其子六人女一婢蕭氏殉焉奉

旨建坊旌表俱祀節孝祠

縣志

陳裔韶妻李氏生員梁允常妻陳氏

俱乾隆四年旌

廩生

陳藹韶妻曾氏

乾隆五年旌

李成震妻張氏

年二十八年旌

曾

楷妻吳氏

年二十六年旌

庠生張清瑞妻李氏

乾隆六年旌

劉

純妻梁氏

乾隆七年旌

庠生張貽曾妻梁氏

年二十五年旌

關

太華妻何氏

年二十二年旌

庠生楊天能妻劉氏

年二十八年旌

澄蘭姓妻黃氏年二十庠生楊中訥妻程氏年二十五

守節梁翼貴妻陳氏督學張旌其門梁宣華妻林氏庠生陳

元卿妻吳氏年二十余麟圖妻曾氏年二十鄒某

妻潘氏年二十廩生周承休妻潘氏年二十九守

人諸生陳元我妻李氏年二十李翹生妻梁氏陳

允誠妻黃氏乾隆八年旌黃甲標妻劉氏乾隆十年旌黃贊

烈妻吳氏乾隆七年旌陳孟浩妻何氏黎憲恪妻張

氏乾隆九年旌李信凝妻楊氏李頤世聘妻曾氏乾隆

四十八年旌吳上採妻李氏年二十李聖體妻柯氏年

十守節庠生古正已妻李氏鄭希榮妻許氏二人嘉

旌張乾元妻賴氏嘉慶五年旌張艮元妻溫氏謝廷現

妻鄒氏林咏茂妻陳氏

以上嘉慶六年旌

李拔岸妻鄧氏

守節八十年

李惠元妻梁氏李懿元妻張氏

俱年二十夫亡妯娌

雙節梁正宇妻江氏

嘉慶十三年旌

吳尙禮妻梁氏

嘉慶十六年旌

孫徽叙舉人

汪印垣妻梁氏

嘉慶二十三年旌

何俅妻劉氏江

丰秀妻莫氏

年二十守節

何多益妻范氏洗翰仰妻揭

氏莊擇嵩妻朱氏

以上三人俱道光元年旌

電白縣

隋

譙國夫人洗氏者高涼人也世爲南越首領部落

十餘萬家夫人幼賢明在父母家撫循部衆能行

軍用師壓服諸越每勸宗族爲善由是信善結於

本鄉越人俗好相攻擊夫人兄南梁州刺史挺恃其富強侵掠傍郡嶺表苦之夫人多所規諫由是怨隙止息海南儋耳歸附者千餘洞梁大同初羅州刺史馮融聞夫人有志行爲其子高涼太守寶聘以爲妻融本北燕苗裔也初馮宏之南投遣融大父業以三百人浮海歸宋因留於新會自業及融三世爲守牧他鄉羈旅號令不行至夫人誠約本宗使從百姓禮每與夫寶參決辭訟首領有犯法者雖是親族無所縱捨自此政令有序人莫敢違後遇侯景反廣州都督蕭勃徵兵援臺高州刺史李遷仕據大臯口遣召寶寶欲往夫人疑其反

止之數日遷仕果反遣主帥杜平虜率兵入瀨石
寶以告夫人曰平虜八瀨與官兵相拒勢未得還
遷仕在州無能爲也宜遣使詐之云身未敢出欲
遣婦往參彼必無防慮我將千餘人步擔雜物唱
言輸賒得至柵下賊亦可圖從之遷仕果大喜覘
夫人衆皆擔物不設備夫人擊之大捷因總兵與
長城侯陳霸先會於瀨石還謂寶曰陳都督極得
衆心必能平賊君厚資給之及寶卒嶺表大亂夫
人懷集百越數州晏然陳永定二年其子僕年九
歲遣帥諸首領朝於丹陽拜陽春郡守後廣州刺
史歐陽紇謀反召僕至南海誘與爲亂僕遣使歸

告夫人夫人曰我爲忠貞經今兩代不能惜汝負
國遂發兵拒境紇徒潰散僕以夫人之功封信都
侯加平越中郎將轉石龍太守詔使持節冊夫人
爲高涼郡太夫人賁繡幃油絡駟馬安車一乘給
鼓吹一部并麾幢旌節一如刺史之儀至德中僕
卒後陳國亡嶺南未有所附數郡共奉夫人號爲
聖母隋文帝遣總管韋洸安撫嶺外陳將徐瑤以
南康拒守洸不敢進初夫人以扶南犀杖獻陳主
至此晉王廣遣陳主遣夫人書諭以國亡命其歸
化并以犀杖及兵符爲信夫人見杖驗知陳亡集
首領數千人盡日慟哭遣其孫魂帥衆迎洸洸至

廣州嶺南悉定表魂爲儀同三司冊夫人爲宋康
郡夫人未幾番禺人王仲宣反圍泐進兵屯衡嶺
夫人遣其孫暄帥師援泐時暄與逆黨陳佛智素
相友故遲留不進夫人大怒遣使執暄繫州獄又
遣孫盜討佛智斬之進兵至南海與鹿愿軍會共
敗仲宣夫人親被甲乘介馬張錦傘領毅騎衛詔
使裴矩巡撫諸州其蒼梧首領陳坦岡州馮岑翁
梁化鄧馬頭藤州李光畧羅州龐靖等皆來參謁
還令統其部落嶺南悉定帝拜盎爲高州刺史仍
赦出暄拜羅州刺史追贈寶爲廣州總管封譙國
夫人幕府署長史已下官屬給印章聽發部落六

州兵馬若有機急便宜行事降敕書褒美賜物五千段皇后以首飾及宴服一襲賜之夫人竝盛於金篋并梁陳賜物各藏於一庫每歲時大會皆陳於庭以示子孫曰汝等宜盡赤心向天子我事三代主惟用一好心今賜物具存此忠孝之報時番州總管趙訥貪虐諸俚獠多有亡叛夫人遣長史張融上封事論安撫之宜并言納臯狀上遣推訥得其贓竟置於法敕委夫人招慰亡叛夫人親載詔書自稱使者歷十餘州宣述上意諭諸俚獠所至皆降文帝賜夫人臨振縣湯沐邑一千五百戶贈僕爲崖州總管平原郡公仁壽初卒謚爲誠敬

夫人

北史譙國夫人傳

謹案粵中見聞別有洗氏身長七尺乳長二尺餘秦末五嶺擾亂洗集兵保境蠻不敢侵及趙佗稱王洗齎軍裝物用入見佗與論時事及兵法智辯縱橫莫能折乃委以治高涼恩威振物鄰郡賴之考之於古惟寰宇記電白洗氏墓註云高涼人乳長七尺語既近誕事別無徵故茲編電白列女惟以譙國夫人始

明

吳士儀妻李氏士儀病且死目視李年殊少屬令

善事後人李涕泣曰此身誓不慙二庭儻不諱以

死殉夫子耳士儀卒不數日李從容自經部使者

旌其墓明吳國倫飢甄洞稿國倫弔吳節婦詩黃鵠雙飛振北林雌雄相失晝陰森一時

雨暗崩城淚千古霜寒匪石心宰木似能交總帳重泉猶自合蒼簪生芻想像人如玉問俗停車感

慨深

李彭年妻黃氏彭年痛父成疾死乃曰夫為父亡

我當為夫死自縊以殉之一大清統志

董廷玉妻潘氏廷玉由神電指揮轉潯梧叅將潘

請留侍姑姑念廷玉未有子強之隨行至英德廷

玉病卒潘抱尸痛哭結髮經死舟中潯守王貞吉

本郡守歐陽烈咸請奏旌焉郝志